



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
Ո Ր Ո Շ ՈՒ Մ**

22 մարտի 2017 թվականի №91Ա  
քաղ. Երևան

**«ԷՂ ԸՆԴ ԷՄԻ» ՍԱՀՄԱՆԱՓՈՎ ԴԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ  
ՆԿԱՏՄԱՄԲ ՀԱՐՈՒՑՎԱԾ ԿԱՐԶԱԿԱՆ ՎԱՐՈՒՅԹԸ ԿԱՐՃԵԼՈՒ ԵՎ ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ 2008 ԹՎԱԿԱՆԻ ՀՈԿՏԵՄԲԵՐԻ 8-Ի №541Ա ՈՐՈՇՄԱՆ  
ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հաշվի առնելով, որ՝

- ա) Հայաստանի Հանրապետության տրանսպորտի, կապի և տեղեկատվական տեխնոլոգիաների նախարարությունը 2017 թվականի փետրվարի 21-ի №03/11.1/2419-17 գրությամբ Հայաստանի Հանրապետության հանրային ծառայությունները կարգավորող հանձնաժողովին (այսուհետ՝ հանձնաժողով) տեղեկացրել է «ԷՂ ԸՆԴ ԷՄԻ» սահմանափակ պատասխանատվությամբ ընկերությանը (այսուհետ՝ ընկերություն) պատկանող ռադիոցանցի բազային ռադիոկայանի տեղափոխման վերաբերյալ,
- բ) ռադիոհաճախականության օգտագործման №0454 թույլտվության պայմանների խախտման՝ բազային ռադիոկայանի տեղադրման վայրի փոփոխության փաստի ուսումնասիրման նպատակով, հանձնաժողովի կողմից 2017 թվականի փետրվարի 22-ից ընկերության նկատմամբ հարուցվել է վարչական վարույթ, ինչի մասին ընկերությունը ծանուցվել է 2017 թվականի փետրվարի 22-ի №ԱԲ-416Հ գրությամբ,
- գ) ընկերությունը 2017 թվականի փետրվարի 27-ի գրությամբ հանձնաժողովին տեղեկացրել է իր կողմից թույլտվության պայմանների խախտմամբ բազային ռադիոկայանի անօրինական աշխատանքը դադարեցնելու վերաբերյալ, միաժամանակ խնդրելով փոփոխություն կատարել հանձնաժողովի 2008 թվականի հոկտեմբերի 8-ի №541Ա որոշմամբ հաստատված ռադիոհաճախականության օգտագործման №0454 թույլտվության պայմաններում,

դ) իրականացված վարչական վարույթի արդյունքում փաստվել է, որ ընկերությունը վերացրել է թույլտվության պայմանների պահանջի խախտումը, և հիմք ընդունելով «Վարչական հիմունքների և վարչական վարույթի մասին» Հայաստանի Հանրապետության օրենքի 50-րդ հոդվածի 2-րդ մասի «ա» կետը, «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասը՝ հանձնաժողովը որոշում է.

1. Կարճել հանձնաժողովի կողմից 2017 թվականի փետրվարի 22-ից ընկերության նկատմամբ ռադիոհաճախականության օգտագործման №0454 թույլտվության պայմանների խախտման՝ բազային ռադիոկայանի տեղադրման վայրի փոփոխության փաստի ուսումնասիրման նպատակով հարուցված վարչական վարույթը:

2. Հանձնաժողովի 2008 թվականի հոկտեմբերի 8-ի «ԷԴ ԸՆԴ ԷՄԻ» սահմանափակ պատասխանատվությամբ ընկերությանը ռադիոհաճախականության օգտագործման թույլտվություն տրամադրելու մասին» №541Ա որոշմամբ հաստատված ռադիոհաճախականության օգտագործման №0454 թույլտվության պայմանների 3.1-րդ կետի 2-րդ, 4-րդ և 10-րդ ենթակետերը շարադրել հետևյալ խմբագրությամբ.

«2) բազային ռադիոկայանի տեղադրման վայրը՝ քաղաք Երևան, Արտաշատի խճուղի 5/7.».

«4) բազային ռադիոկայանի տեղադրման վայրի աշխարհագրական կոորդինատները՝ 44E 29' 05'', 40N 07' 04''.».

«10) անտենայի բարձրությունը երկրի մակերեսից՝ 15 մետր.»:

3. Ընդունել ի գիտություն, որ ընկերությունն իրավասու է սույն որոշումն ուժի մեջ մտնելու պահից մեկամսյա ժամկետում այն բողոքարկել հանձնաժողով կամ երկամսյա ժամկետում՝ Հայաստանի Հանրապետության վարչական դատարան:

4. Սույն որոշումն ուժի մեջ է մտնում ընկերությանն օրենքով սահմանված կարգով իրազեկելուն հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ՇԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝



*[Handwritten signature]*

Ռ.ՆԱԶԱՐՅԱՆ